

大清光緒廿六年

本館新開除禮拜外每日出論
本報外埠均可函致本館取
閱如外埠閱報加寄費不
也除日本英法德俄各國
情工本從英法德俄各國
紙各機器以待與各官紳
刊印書單件並有英法德
體活字及各式花邊等延
西人排印工藝精所有中
印字大小機器均用精工刊

第五千四百四十九號

申報

(號七第牌門口虱巴舊在設開館本)

印工級絕倫並延有文士書
寫各體文字現由上海購到
各種新式鉛字其書目另行
刊佈所有各項價目甚相宜
本館所登來札原擇其有益
世道人心者附登其有謬
礙於人及後者亦不須無
成文以及支離費解者概不
登錄嗣後諸君來札尚祈
自諒更須寫明里而後敢
登但來稿登與不登本館
將原稿收回也

大英一千九百年二月十三號禮拜二 (仙查字每日昔白告備五張每張銀五文每月銀一元)

延請教讀 ○啓者本館茲欲延請諳諳音之塾師一位以育童蒙惟其人須品學兼優勤於訓
誨者方能就席倘諸君欲承斯乏請至本館面商便得此佈
本館謹啓

庚子年月份牌及賀春東印竣 ○啟者庚子年中四合歷月份牌本館早經訂就但聞 朝廷初
有改閱之議誠恐果經改閱則與原歷不符故不便遽行印出謹防有誤 諸君校閱必須慎之又慎而後
敢出而問世也現在時憲書業經頒下已無改閱之舉是以特遵歷法核明中西月日乃將月份牌刊出今
經告竣在於本館發沽并有賀春書札十餘式各體俱備悉以求變寫印精緻異常 諸君惠顧祈速 惠
臨選沽爲盼 本館謹啟

論俄國阿富汗

阿富汗者英俄兩國所聚頤者也阿富汗在亞細亞洲之中與土耳其波斯同在俄羅斯之西其南則印度
界也俄之稱雄歐亞也自彼得以後歷代以開邊爲長策西至歐洲增華程二千四百里南至地中海增華
程一千三百里北至瑞典增華程九百里而東至亞洲尤廣有增益所侵阿富汗之地多至華程三千八里距
印度不過華九百里中亞細亞之地蓋十得八九矣而所以不敢併吞阿富汗者礙於英國也一千八百八
十六年緬甸屬英俄思圖之其新界及南方邊境遂徑逼印度英思而預防之與俄立約勘界而俄既有
心於印度於是駸駸乎日圖阿富汗所不能跨而過者以希瑪納山重巒疊嶂有英兵駐守以防之耳夫俄
之圖阿富汗以圖印度者何哉在印度之海口曰克納克達曰孟買險要地也俄既不能由地中海而至大
西洋於是思由印度之兩海口而免脫得此兩海口而大西洋遂任其所之其圖阿富汗以圖印度者此也
且夫俄之有志於全亞也久矣吞阿富汗即吞印度於是緬甸西藏遂類以吞之而中國即爲其斃中物
而日韓即爲其杯中藥噫其雄哉有幾括席卷之思遂伏其陰險竊伺之謀乘英打兵爭之際攻其不備使
英不及兼顧阿富汗已乃圖中亞細亞之全部日人窺其心思也乃著於報曰近來俄國軍隊頻頻向阿富
汗進發云云嗟乎嗟乎有心人乃得而論之矣夫今日中外交涉之大勢一曰中俄一曰日俄一曰英俄俄
一舉動日人屬目英人屬目日一舉動俄人屬目英人屬目英一舉動日人屬目俄人屬目俄一舉動日人屬目
日人英奪威海奪自日人中俄密約英所忌日所忌夫日曰俄曰英所以必互相屬目者所圖者何圖亞
東耳中國者亞東之咽喉也爲日爲俄爲英所交涉者不圖其圖中國也於是在亞之東俄所圖者爲高
麗爲滿洲得高麗得滿洲而中國入其網羅矣在亞之西俄所圖者阿富汗印度得阿富汗得印度而中國
入其腹心矣其智略如此而中國曾漠不關心猶以俄爲親善之國何夢夢若斯耶有心人嘗獨坐默想
自印日假使俄由旅大西卑利亞德由膠州南洋島法由安南廣州灣英由香港威海水陸并進吾不知中
國將何以自存方在終日瞋目痴心苦思無計而不防俄又有志圖阿富汗嗚呼俄人之心思既在全亞殆
欲使水師陸軍出入自由而後其志始滿也斯志也關乎中國之全局也管子曰國之興也鄰國有焉國之
亡也鄰國有焉乃俄之進兵阿富汗爲日人所窺著之於報而中外日報尤先譯而登之是皆世之有心
而先得我心者吾不知日人若斯之關切而以爲事關全亞不可漠視中國其亦能如日人之關切而知事
關全亞不可漠視乎果能之則請防東三省

諭旨恭錄 ○去臘十三日奉 上諭順天府奏西城貧善堂收養貧民衆多援案續請加賞
米石一摺本年善堂廣廠貧民就食較多所有前次賞給小米三百石不敷散放著再加恩賞給山米四
百石以資接濟該衙門知道欽此○二十三日奉 上諭本日召見之記名提督鄭才盛著交軍機處存記
欽此○廿五日奉 上諭本日召見之記名總兵黃鼎大上諭黑龍江將軍著壽山署理黑龍江副都統著
恩瑞調補副都統恩瑞著崇寬補授欽此○同日奉 上諭恩瑞著差滿回京交盈餘銀兩並請
減成賠款酌量留餘銀兩一摺所交盈餘銀三千九十七兩著交廣儲司所請減成賠繳之處著戶部核
議具奏欽此


賣出酒密

賣發酒密烏

售發櫥鐵名馳



嘗思養生之道所最要者則惟飲食然必須有以善藏始無意外此本行鐵櫥所以為 諸翁之所共賞也啟者本行所賣之鐵櫥久已馳名於東方一帶而於叻法則聲名尤著至本行購賣此等鐵櫥已有三十年之久其製甚為堅固保能避火且其鑰匙甚妙斷非盜賊等所能開計其櫥全身均用鐵製成並無雜以木料且諸櫥自前至今均為一式堅固並無有優劣之分至於各櫥大小不一而價值則約一百元至四百元凡用之者可保其不礙




焚燒即遇意外火災要亦無所損礙是以本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即至臨選購為盼 大英一千八百九十八年正月一號 大清光緒二十三年十二月十八日 明嗎也洋行謹啟

售出酒品三



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美矣近有無恥之徒假冒本庄三品酒款式以圖魚目混珠殊深可恨嗣後 諸君購買本行白頭三品酒者請細認本號標牌之內有小紙包頭註明華字新嘉坡級明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟

啟者茲本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標密酒出沽希圖魚目混珠最堪痛恨今本行再行核定於酒樽木枳內加鐵絲鎖匙形以示分別倘 諸君有知何人假冒請到本行報明即酬謝花紅銀二百大元官訊定即發給斷不食言再此酒不能販往 加勝巴 三寶瓏 泗里末 望加錫 檳榔嶼 日理等處其餘他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟



啟者本行向由英國督辦各種美酒來叻發售久已遐邇馳名茲復由英新辦到頭雨士斗雲字號之狗頭票烏蜜酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲沽飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟

客發酒池蘭萬標窠蜂上頂國法



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中之妙品也 蓋此酒向惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有剽份之癖者祈早移玉 惠臨購買是幸 大英一千八百九十八年正月一號 明嗎也洋行謹啟

大英欽命新嘉坡輔政使司瑞 為招人承辦獄內泔水事照得本坡獄內泔水茲欲招人承辦以一年為期由一千九百年馬只月一號起算如有欲入票承充者可於一千九百年卑不哇里月十九號即華本月二十日以前送交本署以憑選擇至於棄取之權任由國家裁奪不得執價高者得之說相爭各宜踴躍切切特示 大英一千九百年二月九號 示

承頂聲明 ○啓者小坡美芝律街第二百八十三號門牌叮金舖原係陳文在陳華其二人創做合併改做信隆字號茲陳文在陳華其二人志圖別業願將自做信隆之打金舖與及貨架全盤一概頂與陳安懷承受經于本月十七日交易而陳文在陳華其亦即日推出舖底與陳安懷營業其銀陳安懷亦即當眾交清日後信隆之生理盈虧概與頂退生意之人陳文在陳華其無涉特此聲明免滋後論 光緒貳拾伍年拾貳月拾玖日 承頂人陳安懷謹啟

工部局招舉局員告白 ○特此通知按照一千八百九十六年所定第十五條之三十三章及三十四章茲因本坡工部局在新嘉坡第四段即梧槽地段人員大狀師蘭爾業已自行辭退故欲於一千九百年卑不哇里月二十七號即華正月二十八日禮拜二在新嘉坡品禮申宜鄰路工部局之寫字樓內再行公舉局員一人以代蘭爾君之任其投票時候定於是日由上午十點鐘起至下午四點鐘止其票紙可於投票之日由各入票之人至收票之處向總理收票之人取討每人應給一紙然照議定之律章凡諸選稅之人如欲公舉局員須以有債租稅者二人先行立書列舉一人舉之一人和之而該公舉字當於西卑不哇里月十九號禮拜一以前付交工部局寫字樓然該兩人須有公舉之權可以公舉該段之局員者方可至欲公舉局員之格式紙可向工部局司理人處取討便得而本局總理人員當於卑不哇里月廿一號禮拜三由下午三點鐘至四點鐘在品禮申宜鄰路本局寫字樓內靜聽裁奪凡諸人有前來告訴所有入票公舉之員果有不合之處否以憑核辦特此佈聞 大英一千九百年二月九號 新嘉坡工部局總理人然直奉命謹啟


歿存均感 ○啟者先父湯福壽乃廣東惠州海豐縣客籍年已五十五歲向在南洋芙蓉錫礦經營前年秋後言返故園旋于去臘上浣帶同愚母子七口復到香港即於是月初九日附搭施鴨加輪船來叻不料舟行二天吾父舊病復發竟棄愚母子而長逝斯時愚母子哀慟之餘念屍身在船恐防不妥爰央求同船親隣向買辦鄭君裴臣哀求鼎力轉懇 船主及大副勿棄父骸免致葬於魚腹幸蒙船主大副恩施格外并蒙買辦鄭君憐憫向船主大副力求始得准將父屍棺殮載來叻地此恩此德自當永矢弗忘自維棉力報答無從故惟將其大概情由登錄報中以誌五中銘感而已 光緒二十六年正月初十日 湯門張氏男湯陳進全啟

遷移 啓者生在大日本帝國高等美術學堂精研刻苦曾于數年前卒業繪事邇來漫遊天下據過油漆畫水彩畫墨畫之法則畫面相風景花鳥等之繪精練諳熟此次來叻出所學以問世兼集志繪之士欲授生特得之妙今既已有數名及門弟專心精勵 諸君賜教請祈屈玉價甚從廉此佈 寓老巴剎旁民申律第八十八號門牌 白

中國通商銀行告白 ○啟者中國通商銀行乃於西一千八百九十六年忽民末月十二號即華光緒廿二年十月初八日恭奉中國朝廷之命為之創設 計集本銀五百萬兩 先行收取二百五十萬兩 總理處設在上海 本銀行又分設於廣東 芝罘 鎮江 福州 漢口 北京 汕頭 天津等處 本銀行所為生理乃買賣以上各地之單及代收以上各處之匯項并電匯等件凡 諸仕商有物件按欲向本行請貸及當單等件皆能如 命倘有欲將銀項寄存本行者亦屬格外有益茲將本行所奉月息列明如左 三個月銀期者每月利息三八仙半 六個月銀期者每月利息四八仙半 十二個月銀期者每月利息五八仙半 大英壹仟捌佰玖拾玖年拾貳月拾貳號 大清光緒貳拾伍年拾一月初拾日 中國通商銀行駐叻代理人莫實得洋行謹啟

輪船 啓者茲本行有新造一號保險之堅固輪船一艘名曰馬夏峇兒勝鬱常川由叻往來網略所有往返程途均在以下所列各埠經過以便附搭客茲將所過各埠列明如左 丁加奴 吉蘭丹 獅 大啤 宋卡 六坤 萬倫 耶宜 新益 萬打班 船內 及其 一號二號三號之客廳陳設甚為雅潔而笨面客位亦甚爽潔 整齊 諸君有欲附貨搭客者請至本行面商便妥特此佈告 大英一千八百九十九年十二月十一號 大清光緒廿五年十一月初九日 明嗎也洋行謹啟


星標洋酒



啟者茲本行在於本坡專賣各樣洋酒此等標頭經已特為註冊恐被中 諸仕商有未周知之處用特佈聞至本行之星標三品酒每箱小樽者二羅申價銀十一元五角 諸君賜顧請 玉臨本行面商便得特此佈聞
大英一千八百九十九年十二月六號

啟者本行現承歐洲赫赫著名酒廠之命為駐叻代理人售賣知威實基酒 T. T. Whisky 此酒每箱十二枝計銀八元二角半每桶十五名美酒氣味香醇濃而不燥又能消暑醒胃解渴除煩飲之令人頭不昏眩且無酒患蓋此酒并無燥烈之弊故常飲者能保養精神怡悅顏色在於南洋各地常飲此酒更屬相宜 諸君賜顧請移玉駕臨本公司選購可也特此佈告
大英一千八百九十九年十二月十二號
大清光緒二十五年十一月初十日
巴智申西疊公司謹啟

多惹士號 眞正 頂上 白漆 發售



啟者本行現由歐洲多惹士著名工廠寄到所製之頂上白漆發售此等漆料較諸各家所製之極品白漆未嘗稍遜荷蒙英國皇家及素著聲望之製造家并本坡各船澳時常購用莫不盛稱其妙因其物料既精製作既善而價值復廉故也 諸君有欲購買大起者可至本號駐坡代理人巴智申西疊洋行選購如係購買零星者則至本坡中西各案路店均可 諸君光顧請認多惹士字號方不致誤特此佈聞
大英一千八百九十九年十二月十二號
巴智申西疊公司謹啟

HAIG & HAIG
CELEBRATED
T. T.
WHISKY


頂上 著名 威實 基酒 發客

啟者本行現承歐洲赫赫著名酒廠之命為駐叻代理人售賣知威實基酒 T. T. Whisky 此酒每箱十二枝計銀八元二角半每桶十五名美酒氣味香醇濃而不燥又能消暑醒胃解渴除煩飲之令人頭不昏眩且無酒患蓋此酒并無燥烈之弊故常飲者能保養精神怡悅顏色在於南洋各地常飲此酒更屬相宜 諸君賜顧請移玉駕臨本公司選購可也特此佈告
大英一千八百九十九年十二月十二號
大清光緒二十五年十一月初十日
巴智申西疊公司謹啟

代 理 埃 蘭 爾 申 那
火 燭 保 險 公 司 告 白

啟者茲本行承埃蘭之爾申那保險公司之命在於本坡代理火燭保險事宜該公司自一千八百二十二年創設以來經蒙天下諸仕商賜顧生意理甚旺計該公司資本共有一百萬磅而所存之盈餘積項亦至五十餘萬磅之多至於保價格外公平叻地如遇火警則所保之項可以速即償交 諸君有欲賜顧者祈至勞民申路第三號門牌本公司寫字樓內面商便得特此佈告
大英一千八百九十九年十一月廿八號
大清光緒二十五年十月廿六日
致密蘭蘭直致禮憐公司謹啟

鐵 櫃 出 賣



啟者本行所售之鐵櫃在本坡馳名已久素蒙各君購用莫不盛稱其妙計此櫃之大小共有五種而價甚相宜此鐵櫃乃歐洲著名工師所製極為美善本坡所有西人齊智人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻並且異常堅固無論火燒盜劫均可無虞貨美價廉莫此為甚倘各君有欲購此櫃以收藏重寶者可至本行選沽此佈是幸
英一千八百九十八年正月十三號
丕殺呼答公司即前加珍麥洋行啟

正金鐘標萬蘭池酒發客

司各脫滋補鰵魚肝油



此油潤肺除痰補益氣血又能殺除爛肺之蟲改換穢毒之血消解胃經之積滯舉凡身體瘦弱胃不消化肺經受病憂鬱傷房事色傷破金吐血癰癩頑瘡小兒肌肉不長筋骨軟弱等症皆能治之不論男女婦老少無病常服亦能壯旺精神充盈膚革此乃清補而不燥滋潤而不膩之聖藥也每日服三次每次服三錢至四錢小兒減半服合 英京司各脫乳白鰵魚肝油公司謹識

此係司各脫馳名正乳白鰵魚肝油之標頭及其圖式其圖乃係一人背負大鰵魚一尾有此標誌乃為真貨 諸君賜顧請認明標誌庶不致誤特此佈聞

星嘉坡莫梁公司代理發售

啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡 諸君有欲零沽者請至酒公司沽買便得如買成起以便配往外處者仍可至本行沽買至此



酒製造之法精妙異常酒味甚清以之蒸釀者皆為上等之料保無偽充之弊此酒若在本坡沽飲甚屬合宜且價亦甚廉諸君須為留心辨明以免魚珠之誤

新嘉坡東馬路前門牌五號
莫梁公司代理發售

多以上所有各票如無本行不殺呼容華字者即為假貨幸勿為之誤買本行有厚望焉 大英一千八百九十八年正月十三號 不殺呼容即前加珍麥洋行謹啟

慕娘公司獨辦上等麵粉發售



啓者本行所有運來本坡售賣之三星標二星標一星標實珍達 美利堅谷知及 猶里加各款麵粉早已遠近馳名不意近聞有華商等因悉此等麵粉貨實甚高銷場甚廣故竟自行配運前來但本公司係承任獨自運配以上所列各標精麵來叻獨沽凡 諸士商有欲購買此等各庄麵粉者乞即 玉臨本寫字樓內面商本公司無不格外將就特此佈告

大英一千九百年二月十二號
光緒廿六年正月十三日
慕娘公司謹啟



Bisquit Dubouche & Co.
COGNAC

啓者本公司所製之紅首冠仔標萬蘭池酒馳名已久乃係歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋緣其熟氣概已全消所以 諸君沽飲者均深獎譽現在歐洲一帶各國之人無不飲喜此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸君賜顧祈細心辨認紅頭庄及以上所列各票頭并有來

紅首冠仔標萬蘭池酒出售

士古乙拿模只公司等西字為憑庶免為魚珠之混是所切盼 大英一千八百九十七年二月十二號 不殺呼容即前加珍麥洋行謹啟

英打電音 ○本坡實得力太晤士西報接十二日英京來電云勞打電報後其在士不鄰之隨營探訪人於初十日所發電稱統帥武刺退兵之由係因見勿力非因摩之敵軍及其方傍各山所駐敵營之勢則英營不免於左右受敵故已明知斷不能照前日所定之道路往解禮軍實密之阻倘仍強進雖未嘗不可成功惟恐兵死傷太多故不忍於直進旋於初八日將諸軍約退至其退軍之際係用野營各谷之巨炮隊為之斷後惟詳觀敵軍所放之炮熱異常武總帥因恐軍士之死亡過多故不肯急解禮境之圍且暫退回別營其策也又據倫敦太晤士報接其隨駐該營探訪人電稱英軍如欲強由前日所定之路而進則適由敵軍大營衝過雖亦未嘗不能得志但恐彼此信息或被敵人中斷是以不得已而退兵云來電又言英兵退過機里牙河之後又再退以避敵人之巨炮又據勞打電報接其駐紮連士目探訪人電稱前者諸人咸以為高禮士目之英軍已將敵軍圍困不知實有不然今敵軍在其地之北境排列營寨作半圓形又由該境前往阿國之小路均被敵軍所據現在敵軍復盡力攻撲英之右翼并過絕英軍往來連道同日來電又云英國諸議員在下議院內會議答覆英皇開院之諭業經議定當時是其議者計有二百二十九人梗議者不過三十九人而已是日會議之際英國廷臣曾起而謂議員諸增軍需千四百萬磅以備再增軍士十二萬名今計英國精兵之額已增至三十三萬九千八百五十三人之多矣十三日來電又云打京近日風傳禮軍實密被困之英兵於初八晚曾向阿國之營寨突所傳止此其詳細尚不可得而知也又云英總帥勞未現已馳抵模打河該處兵軍得聞勞帥駕臨莫不歡欣異常然出接勞總帥慰勞畢即發令查閱海蘭營兵閱畢後其該軍前日在拘呂士目之戰來電又謂高禮士目一地近日常有開仗之事然不過小小戰事尚未離離大決又據初七日金勿里發來信息云打軍現復時以巨炮來攻惟諸軍仍竭力為之堵禦所幸人心甚固雖婦孺亦無有怨言者也

與國離心 ○歐洲來信云風聞阿國兵軍近因打軍每遇惡戰恒遣其充當頭隊因之忿忿不能平又以日久暴師人疲馬乏故諸軍咸有歸志不惟軍士為然即將領之心亦無不然又聞阿廷擬遣人密探英廷之意若該國將兵撤退不復干預英打戰事則英將若何看待該國以便再商行止云云此信若然亦可為英少慰矣

荷碼招投 ○頃接荷國駐叻總領事交來告示一道囑登本報其小係招投望加麗及蘇門答臘東境之酒碼閱其原示便得詳知恭賀新年 ○本月初四日北京總理衙門各堂官及慶親王咸往駐京各國欽使處恭賀新年各大員在美欽使署時即由美公使極美生君請將各大員影相以誌交誼之盛云譯字林西報

終恐獲咎 ○浙江劉撫台現被京中某御史在 太后前參有多款大致皆謂其行政之不善此事已由太后着福州總督許制臺詳細密查業許制臺已委該省道臺及知府前來杭州隱名密訪惟劉撫臺於此次被參後查辦以後恐不免難任云云

英備軍防 ○據英國來信云現在英國人中豫言世界將生絕大爭亂英國已決意整頓海陸軍如各地臺戰備皆無懈可擊無論何時大敵襲來皆足防備云譯時事新報

中英劃界 ○上海字林西報錄英國某報云中國政府已知急宜劃定緬甸新界據仰光來電言中英兩國不日擬啓程將界址修改承遠劃定必當修改之處不多故奉聞即可竣事聞中國畫界之劉統領已身體強健當可會同英員辦理蓋日前該統領藉詞病後體弱延擱畫界之事英員師克君即覆以畫界之事不能延宕如不能會同辦理亦必自行開辦致該統領即時轉弱為強此等辦法之靈驗如此嗣後料總署畫界再無延阻之理劉統領亦未必再以病後體弱為詞未畫之界尚有二百餘英里其界址多與一千八百九十七年所訂之約相同其大更動處業經畫定再俟數月自華的河上游至渭江一帶之界當可畫成從此中國不能再以英地任法人蠶食也

廣州灣界約詳誌 ○法索廣州灣租界已由中國政府允許互訂條款各情業登前報茲接界約新章一紙合亟錄之以供眾覽第一款 因和睦之由中國國家將廣州灣租界與法國國家作為停船港之定期九十九年惟在其租界之內訂明所租情形與中國自主之權無礙 第二款 議定在停船港之界用以守衛作運興旺等情所有租界內水面均歸入租界內管轄其未入租界者仍歸中國管轄開列於左 東海全島洲全島該島與東海島中間水面係中國船往來要道嗣後仍由中國船往來便往來租界之內停泊勿得阻滯並勿庸納鈔稅等事其租界定在遂溪縣屬南由通明港登岸向北至新吟浣官路作界綫直至志滿墟轉向東北至赤坎以北福建村以南分中為界赤坎志滿新墟歸入租界黃畧麻章新埠福建各村均歸中國管轄復由赤坎以北福建村以南分中出海水面橫過調神島北近水面至離窩登岸向東至吳川縣屬西炮臺後面分中出海三海里為界即中國十里黃坡仍歸中國管轄又由吳川縣海口外三海里水面起沿港岸邊至遂溪縣屬之南通明港向外三海里轉入通明港內分中登岸沿官路為界此約訂明并給圖畫明界址互相畫界分執後兩國特派委員會勘明確安定界址以免兩國爭執 第三款 於九十九年內所租之地全歸法國一國管轄以免兩國爭執又議定租界內華民能安分並不犯法仍可居住照常自便不可迫令遷移其華民物業仍歸華民管業法國自應一律保護若法國需用物業照給業主公平價值 第四款 在租界之內法國可築炮臺駐紮兵丁並設保護武備各法又在各島及沿岸法國應起造燈塔設立標記浮樁等以便行船並添設整齊善堂以利來往行船以資保護 第五款 中國商輪船隻在新租界灣內如在中國通商各口一律優待辦理其新租界各地灣內水面均歸

中國通商各口一律優待辦理其新租界各地灣內水面均歸

法國督轄法國可以立定章程並征收烟船各鈔以爲修造燈塔各項工程之費此係專指廣州灣內水面而言至洵東水面已在第一款內聲明第六款遇有交犯之事應照中法條款互訂中越邊界章程辦理第七款中國國家允准法國自雷州府屬廣州灣地方亦坎至安舖之處建造鐵路早電綫等事應照所用地段由法國官員給價請中國地方官代給中國民人照價給與公平價值而修造行車需用各項材料及養修電路各費均歸法國辦理且按照所定總分數目華民可得鐵路電綫之益至鐵路早電綫若在中國者中國官員應有防護鐵路車機電綫等務之責其在租界者由法國自理又議定在安舖鐵路電綫所抵之處水面岸上均准築造房屋停放物料並准法各商輪船停泊上落以便往來而重邦交此約應自書押之日起開辦施行其現由大清國大皇帝批准及大法民主國大伯爵理墾天德批准後即在中國京都互換以法文爲憑此約在廣州灣緒立漢文四分法文四分共八分大清國欽差廣州灣勘界大臣太子少保廣西提督蘇押 大法國欽差廣州灣勘界全權大臣水師提督高押 光緒二十五年十月十四日 西歷一千八百九十九年十一月十六號

詳述山東義和團鬧教事 ○國聞報云山東義和團之鬧教也一星之火幾至燎原先是光緒己亥夏四月長清匪首朱紅燈潛往恩平二縣立會即向所謂紅燈罩金鐘罩鐵布衫大刀會者旋即起事於冠縣易其名曰柳林拳後因官兵剿捕逃走恩平更換名目謂之義和拳今則又稱爲義和團矣其誘人也每謂會中符咒種種靈驗可避刀鎗久之愈傳愈遠愈遠愈妄謂併炮火而亦不畏矣愚者信之智者笑之其迫害教民也以逐西教士爲第一義僞稱奉 太后懿旨受其惑惑者日益衆七八月之間千百成羣依勢作威而天主教民適逢其怒被搶數十村其時耶穌教尙無恙也至中秋節前數日匪徒更熾於是不論天主教耶穌教既是教民即不免遭慘害八月十三日平原縣東路口耶穌教民二家被搶鄰近之李爐莊劉王莊以及看水諸村教民亦岌岌可危是時恩縣李太令維誠德州宋刺史森蔭遣人至龍莊保護美口耶穌教士而平原縣將大令偕所收教士呈詞堆積如山無暇披閱迨教士電致駐津美領事轉達東撫毓中丞派百夫長朱君鏡蓉帶兵百餘名前往彈壓匪徒見官兵至即匿迹銷聲將大令遂以地方安靖並無匪徒稟報朱君亦整隊而回九月初七日匪首邀集拳匪千餘人盤踞平原縣境偵于李莊大書待書曰天下義和拳與 清滅洋公然以平原人王子容恩縣人孫治泰朱逢明列名或云逢明即朱紅燈未知是否既而將大令率衆掩捕大敗而回從此旗幟飄揚皆與 清滅洋之字矣九月十二日匪首朱紅燈率黨七百餘人劫李爐莊耶穌教民十三家財物盡失將大令親此情形不知如何忽以良民抗漕不完劫牢反獄爲詞向撫轅稟報中丞急撥濟南府盧太守昌詒某營統領世敦撫標統領張君振鐸及朱君鏡蓉帶馬步隊七百餘名至平原相機辦理及至始知實係匪徒鬧教並無抗糧劫獄情形九月十三日匪衆欲渡趙王河而西至恩縣龍莊毀平耶穌教堂據爲巢穴李太令得信密遣人扼守渡口要隘又力請教士暫避其鋒教士甚德之十四日匪與官兵遇於河東森羅殿是時官兵約三百餘名太守遣役勸若輩痛改前非各安本分勿信邪說勿布謠言免貽後悔而匪黨悍然不顧反勸太守入夥太守聞而大罵匪知無濟遂鳴鑼放炮炮然與之對敵官兵本無戰心雖有火鎗未備子藥於是被匪所敗幸朱君帶馬隊五十名馳往死戰匪力漸不支而適是役也死於彈下者約二百餘人有謂實係匪黨有謂誤殺良民莫得辨其真偽也迨蔣大令革職袁統領獲匪徒聞之洋洋自得從此恣行鬧教勢益猖狂先惟聖禍於恩平後竟遍布在平禹城等處且蔓延至直隸秦州衡水武邑冀州美教士爰書電相屬歸其過於中丞美使更告之總署中丞因而離任 廷旨簡袁慰帥繼之然刻尙憂擾紛紛未識將來作何結果也

西藏民情 ○川蜀來信云藏地前後千餘里民田多未種稻惟毗毗郭爾喀地方沃土千頃宜於五穀天氣與江浙暑同該處貨物充足貿易興旺其民能製造鎗炮子藥等物非若藏番之愚且蠢也近年其商人來藏貿易者亦漸覺衆多云

屍骸無主二則 ○十三日午後有人至武吃智嗎路七英里之馬車路尾捕房報稱附近該處半英里之森林內有死屍一具該館總差沙里曼聞報登即偕同醫生前往查看則見白骨一堆在地其肉已經化盡又有髮辮一條而樹上尙懸一索始知係屬華人在於該樹自縊者惟其住址姓名均無從查究因命將骨掩埋了事又第廿二號巡差於十三日午刻在爪亞街當值見一手車內載華人屍身一具爰即將車扣留因據手車夫稱伊由廿公加薄受僱載運病人往打鐵街不意客在車中斃命余實不知等語差乃將該屍送至施排埔西醫院中報驗但不知其姓名及無屍親到認驗畢知該屍係得病而亡並無別故爰判給棺殮葬

獲匪候認 ○前報牛車水粵婦妙容被劫一案茲悉本日早一號捕房內第三十九號暗牌華差聞知此案之匪藏匿豆腐街某屋內爰即報知該館總差即由總差率領巡差數名往爲掩捕因捕獲粵人甲乙丙三名押回差館欲傳失主到來認明否屬真盜再行核奪故今尙未送案也

十三日晚堂公案 ○昨午巡理府伊勿兩太守會訊粵人文亞泉控告潮人施亞愚搶案據稱住居老于脚地方初六早來坡行至舊酒廊地方被施等二人用板末抹余之眼拾去銀四元即交他匪接去余呼救時有穆拉油人亞勝趕到將施一人拘獲餘匪被其逃脫原贓不獲云云訊畢後判罰施監禁一年○西人伊禮智士控告手車夫閩人林矯拘案據稱向在吉靈街口開設酒店初六晚六點鐘林誘余之幼子坐車即欲載其逃匿迨行至舊巴剎前街被余攔見即呼差拘林送案等情惟林訴稱余與該西人相識其酒店前有手車停歇牌余常停車牌下伊子又不時攔余之車游玩并非拐帶云云府尊訊畢知林並非拐帶然與余子攔余之車不應因示專罰罰林監禁一月○前報周府

瑞德控告同籍人林德開竊案據稱住居小坡大馬路第七十七號門牌十一日林入氏家偷去金戒指二枚價值三十元得手後即欲出門幸
被氏撞見呼差將其拘送於案云云林向府稟求展限以便傳取証人府尊准之命展至十五日再訊

十四日早堂公案 ○本日早巡理府提訊穆拉油婦亞兒沙喜勝請票拘控同籍人字申拐案據稱住居小坡太馬路有幼女名亞棉
勝年方十二十一日被字申拐誘前往檳城云云府尊提訊數言即命展至廿一日再訊 ○粵婦方亞二控告車夫詔安人謝亞宗於案據稱十
三日正午在自來火局前僱謝之車欲往加籠路行至半途忽停車不前氏與其理論以被謝奪氏雨傘行兇毆打因鳴捕拘謝送案等語府
尊訊畢判罰謝銀五元 ○閩人郭和控告第四十七號車務局差勒索案據稱住居牛車水崎十三日午後三點鐘率車欲回車館詎行至中途
被該差勒索銀三仙適被車務總局所見即將該差扣留送案云云府尊命至明日再行集訊 ○本日提訊工部局查屋諸總所控之案又
計一百十八起皆係屋內不潔等情府尊訊畢或判罰銀五元或判罰銀三元不等

承頂聲明 ○啓者賭開口馬車街門牌第十五號昌發號辦乾生理原係黃有記宋清記劉松記合股同創茲因劉松記志圖別業願
將其名下在昌發號之股份退出無同請到公親 蔡新輝 洪川舍二位駕臨秉公核算明白而劉松記應得之退股銀項經已當眾收清日
後昌發號生理盈虧以及一切事宜概與退股人劉松記無涉倘劉松記有與各 寶號往來交易以及賒揭進項概為經手是問與昌發號黃
有記宋清記無干先此聲明免滋後論 大清光緒廿六年元月十四日 昌發號黃有記宋清記同啟

大荷蘭國駐叻總領事官告白 ○大荷蘭國駐紮新嘉坡總領事官嘉 爲招承酒碼事照得望加麗及蘇門答臘東境一帶地方之
酒碼欲招商人承辦惟其美香一地不在其內此碼定於西本月廿八號即華本月廿九日在望加麗出投及本月二十號即華本月廿一日在
日里之棉蘭出投其碼係由一千九百年亦不里月一號起至一千九百零一年馬只月三十一號止承辦一年或由一千九百年亦不里月一
號起至一千九百零三年馬只月三十一號止承辦三年均從其便汝等有欲承辦者其如期前往投充可也此諭
大英一千九百年二月十三號 示

分界聲明 ○啓者新嘉坡淡申律七個石戴聖戴德水二人於戊戌年同議而許順美稅山壹段合夥開作黃萊園在海南山淡申律
七個半石歷來合作無異迨至去年十二月廿四日二人議欲分拆各自認作即延公人族長 戴金標 戴烏番 見証立圖即當公人之前
拈定圖份今戴聖係拈定七個石頂而戴德水拈定七個石下此乃當公拈定各無後悔自茲而後設立界址各人照份認作不得混淆至日後
二比荷有盈虧亦屬兩不相涉至若許家山稅亦各照界認作認還不能互相推諉茲特將當公拈定圖額立界并其一切聲明免滋後論
大清光緒廿六年元月十三日 大英一千九百年二月十二號 戴聖戴德水全啓

住屋出稅 ○啓者茲本行有住屋一間坐落麥加南實得力門牌第二號茲欲出稅與人 諸君有欲稅居者可向土庫花園邊第廿
四號門牌大狀師勿禮力兄弟寫字樓面詢便得特此佈告 大英一千九百年二月十二號 勿禮力兄弟狀師謹啟

蒙冤幸雪 ○啓者敝號因去臘十九日有由香港付來貨物內有藥料或膏係代轉付吉隆協興號收者被鴉片公司親丁誤為烟土
帶去公班衙內當堂担保銀三萬元到底水落石出待至本年正月十一日公堂審問明白無事斷將原貨交回發付原告茲特字報聞以見敝
號無為此犯例生理望諸商祈為照顧是幸 大清光緒廿六年正月十一日 新嘉坡廈門街門牌第七十七號信昌隆告白

收盤告白 ○啓者新嘉坡源順街新南茂麵飽店經已收盤所有各股份人應得之本利銀項均已照數分清特此佈聞以清首尾
大清光緒二十六年元月十一日 大英一千九百年二月十號 新南茂號謹啓

眼科問世 ○啓者余在印度學習眼科醫術所有爲人醫治各症莫不手到春回計前在英倫所得治愈諸人頌字不下數千紙之多
余并擅醫痔瘡以及雜症所有貧者來取眼藥不受分文 諸君賜教請即 玉臨館設棉打路門牌第一百五十五號特此佈聞
大英一千九百年二月九號 下兒蓋多刺勝熊目士謹啓

魚秋出兌 ○啓者本號親自由唐帶有魚秋抵叻出兌計有草魚鯪魚鱸魚等大小不一均可蓄諸池中以備臨濠之樂倘 諸君有
欲購斯魚種者祈即移 玉至本號面商便得惟價目則格外從廉特此佈 告 光緒二十六年正月初十日 山仔頂宜發號謹啓

敬頌良醫 ○啓者余向患痔症困苦不堪久治未痊近日延請皇后街第四十七號門牌醫士亞棉勝先生調治所用點藥甚覺清涼
一時痛癢俱除敷治數次即已獲痊余感其德欲報無從茲特畧述數言附登報中藉以稍誌余心之感云耳
光緒二十六年元月初十日 大英一千九百年二月九號 總巡捕署管理西藥書已列列